



***Qauv Qhia Ntawv Npaj rau Xyoo 2010-2014
Rov Xav. Tawm Tswv Yim Tshiab. Ua Kom Tau Zoo***

*Xav Txog Menyuum Ua
Ntej Tshaj.*

Hauv Paus Tsev Kawm Ntawv Nroog Sacramento Tes Haujlwm

Txhua tus menyuum kawm tiav nrog txoj kev sib tw thoob qab ntuj, npaj kawm kom tau txoj haujlwm zoo thiab kawm ntawv mus rau qib siab li lawv kev xaiv thiab li lawv kev muaj peev xwm kom los nrhiav tau txoj haujlwm ruaj khov es thiaj los pab tau laj mej pej xeeb ntawm lub zej zog.

Cov Thawj Tsav Xwm Hauv Phab Kev Kawm

Ellyne Bell, MA, LMSW
Tuam Thawj Tswj, Pawg 1

Patrick Kennedy
Lwm Thawj Tswj, Pawg 7

Roy Grimes, MPA, MBA, CGFM
Lwm Thawj Tswj 2, Pawg 6

Jerry Houseman, Ed.D.
Tswj Pawg 2

Donald Terry
Tswj Pawg 3

Gustavo Arroyo
Tswj Pawg 4

Diana Rodriguez
Tswj Pawg 5

Arthur Fong
*Thawj Tsav Xwm Rau Cov Tub
Ntxhais Kawm Ntawv*

Lus tuaj ntawm tus Thawj Tswj Lub Hauv Paus Tsev Kawm Ntawv tuaj



Nyob zoo niamtxiv, neeg ua haujlwm thiab phooj ywg txhua tus hauv koog tsev kawm ntawv Sacramento City Unified School District:

Peb nyob rau lub caij nyoog hloov.

Cov hauv qab no yog rau koj nrog xav:

- Tebchaws Suav yuav rais los ua lub Nabnpawb 1 hais lus Askiv nyob hauv ntiaj teb.
- Tebchaws India muaj tub-ntxhais kawm ntawv tau zoo tshaj li America muaj neeg.
- Tseem fvw US Department of Labor kwvyees lawm tias cov tseem niaj hnub kawm yuav hloov txog li 10 mus rau 14 txoj haujwm thaum nws muaj hnub nyoog 38 xyoo.
- Cov tub ntxhais mus kawm haujlwm plaub-xyoo qib siab, ib nrab ntawm lawv cov haujlwm mas twb yuav tsis muaj ntxiv rau xyoo thib peb uas lawv tabtom kawm.*

*Source: Did You Know?/Shift Happens by Karl Fisch and Scott McLeod

Lub tswvim ntawm txoj kev hloov uas peb xav tau tseg – ntawd yog daim ntawv pov thawj kawm tiav qib 12 thiab chaw ua haujlwm tsim cuab yeej toom txeem mas yog ib txoj hau kev taug npaj rau kev vam meej – thiab kawm txuj rau txoj kev tshiab, cov tub ntxhais kawm ntawv tiav uas taug tau txoj hau kev yog mas yuav yog lawv raug cob thiab muaj kev qhia thiab npaj tau txaus thaum ntxov.

Tus Qauv Kawm Ntawv Npaj rau Xyoo 2010-14 sawv cev koog tsev kawm ntawv Sacramento City Unified School District qhov kev kawm uas peb npaj los rau txhuas tus menyuam kawm ntawv nyob rau txhua chaw kawm kom lawv kawm tau ntawv rau peb lub nriaj teb tiam 21 no.

Daim ntawv no tshwm sim qhia kom dav mus kom txog rau cov neeg zej neeg zos uas txaus siab rau peb txoj kev kawm txuj muaj yeej. Cov neeg zej neeg zos ntawv nws muaj xws li tub ntxhais kawm ntawv, xibfwb qhia ntawv, cov thawj tuav dejnum, cov neeg ua haujlwm, niamtxiv, cov tub ntxhais kawm ntawv qib siab, neeg ua lag ua luam, thiab koom haum uas txhawb peb tes haujlwm.

Kuv xav nthuav kuv txoj kev ua tsaug no rau cov neeg muab kev koom tes rau theem no. Koj muab kev pom thiab nrog txhawj, muaj homphiaj thiab tswvim. Qhov tswvim no nws tseem ceeb rau peb lub luag haujlwm los tsim daim ntawv uas yuav tsav hloov peb tes dejnum mus kom tau ceev.

Qhov no koom tes rheeb qhia txog kev npaj uas nrog rau yav tag los. Peb pib qhia hais txog ntawm lub zeem muag – yam uas ua tau zoo heev uas peb koog tsev kawm ntawv yuav ua tau nyob rau yav tom ntej.

Cia siab tias qhov kev qhia no yuav qhia tau zoo thiab muaj kev txaus siab. Nws kuj yog ib qho piav qhia mus rau peb cov Thawj Tsav Xwm Hauv Phab Kev Kawm-cov ntsiab lus ntawm lub luag haujlwm sau tseg: Cov tub ntxhais kawm ntawv tiav ntawm kev kawm txuj mus deb, npaj tau lub neej vam meej thiab tau haujlwm zoo thiab pab tau lub zej lub zos.

Peb mus raws lub zeem muag ntawm 3 txog ncauj ke ntawm tus qauv peb tau npaj tseg: Kev kawm haujlwm thiab Npaj Kom Menyuam Mus Kawm Tau Qib Siab; Koom Tes Nrog Zej Zog thiab Lub Cuab Yig; thiab Hloov Ntawm Txoj Kev Khiav Haujlwm.

Qhov xaus no, tus qauv npaj thiab nrog rau tej tswv yim thiab kev ntsuam xyuas ntawm koog tsev kawm ntawv yuav mus tau raws li peb lub xeev no lub hom phiaj.

Lub luag haujlwm nov yog los nqua hu kev sib koom tes ua haujlwm ua ke sib txhawb kom tshwm sim: Peb yuav ua tsis tau ib leeg kheej mus – tau me me nov, poob me me tov – es kom koog tsev kawm ntawv rais los ua lub tshaj lij dua ntais.

Lub sijhawm ntawm kev hloov, ib qho me me zuj zus xwb yuav tsis tau txaus.

Ua Tsaug,

Jonathan P. Raymond



Peb lub zeem muag

Cia tawm me ntsis tswv yim thiab pib ib qhov kev pauv hloov.

Cia muab menyuam tso tuaj thawj nyob rau ntawm koog tsev kawm ntawv Sacramento City Unified School District no tso. Cia peb cog lus muab tus menyuam txoj kev kawm nws nyiam los tso rau peb kev txiav txim siab. Cia peb sawv ua ke los sib pab.

Puas yuav muaj teeb meem dabtsi?

Cov xibfwb qhia ntawv, raug cob qhia txaus, muaj kev txhawb los ntawm nws cov khub thiab muaj ntaub ntawv txaus qhia txog ntawm tus menyuam kev kawm, yuav rub tau tus menyuam nrog rau tus txheej txheem qhia ntawv uas muaj nuj nqis thiab zoo kawm. Cov xibfwb qhia ntawv yuav kub siab rau lub tswv yim uas ua tib zoo nyeem cov menyuam kawm ntawv kom tig tau zuj zus los, txhais tau hais tias txhawb nqa tus menyuam kom txawj xav tuaj, txawj daws teeb meem, ua haujlwm tau zoo nrog lwm tus, kawm kom tau npliag lias ntawm tus qauv qhia ntawv. Txoj kev sib txuas lus.

Cov thawj xibfwb saib tsev kawm ntawv, cov xibfwb qhia ntawv thiab txhua tus neeg ua haujlwm hauv tsev kawm ntawv ntseeg tias txhua tus menyuam yeej muaj peev xwm kawm tau thiab yeej muaj qhabnias ua pov thawj qhia tau.

Txhua hnuv tus menyuam tuaj kawm ntawv yuav tsum xav ntsoov txog txoj kev sib tw, tsis hais nws nyob rau theem twg lossis nws zoo licas. Thaum lawv kawm tiav, lawv yuav ncaim ntawm peb mus yam npaj tau tiav log nrog lawv mus xaiv lub tsev kawm ntawv rau qib siab lossis kawm haujlwm uas zoo tshaj rau lawv. Thaum lawv ncaim ntawm peb mus lawm, lawv yuav paub tias tsis muaj yam dabtsi uas yuav txaus siab tshaj rau ntawm lawv tus kheej npaum li tau siv siv zog kawm thiab tsoo kom dhau ib yam haujlwm nyuaj nyuaj.

Peb cov phooj ywg nyob hauv lub zej lub zos ces yog – lub cuab yig, cov tsev kawm ntawv qib siab, tej lag luam thiab koom haum – nrog lawv kev koom tes ces peb yuav tau txais lawv kev pab thiab lawv lub laj lim tswv yim. Cov tsev kawm ntawv uas ib txwm zoo li twj cuab, uas qhib raws lub sijhawm kawm ntawv xwb, yuav hloov ua tej qho chaw uas muaj siav tom qab lub tswb nrov thiab nyob rau ob hnuv so.

Phab ntsa kuj yuav vau. Cov ntug phab ntsa thaiv chav kawm los yuav xoob zuj zus ces yuav rais tsis muaj kev sib txuas lus ntxiv nrog zej zog – thiab lub ntiaj teb. Tsev kawm ntawv yuav plam tswv yim zoo. Qhov sib nrug ntawm lub chaw ua haujlwm thiab tsev kawm ntawv yuav nqaim zuj zus thiab yuav ploj mus.

Tus thawj xibfwb tshiab rau txoj kev coj noj coj ua tshiab yuav tshwm tuaj: Rov Xav. Tawm Tswv Yim Tshiab. Ua Kom Tau Zoo

Ntawm no yog koog tsev kawm ntawv Sacramento City Unified School District tus dua ua rau peb pom rau yav tom ntej. Ua ntej yuav mus txog, peb yuav tau tsim tsa kom muaj 3 tug ncej txheem kom khov los txhawb rau txoj kev kawm ntawv. Zoo li Aristotle tau hais, peb ntseg tau lawm tias lub qhov yuav tob tshaj li ntawm qhov tshwm sim. Cov ncej txheem no yuav cog tau ruaj khov rau peb txoj kev txiav txim thiab yuav tsav peb mus kom txog peb qhov kev hloov ntawm lub ntiaj teb no. Cov ncej txheem no yog – Kev Kawm Haujlwm thiab Npaj Kom Menyuam Mus Kawm Tau Qib Siab; Koom Tes Nrog Zej Zog thiab Lub Cuab Yig; thiab Hloov Ntawm Txoj Kev Khiav Haujlwm – yog ib qho sawv cev ntawm peb kev cog lus rau peb cov menyuam kawm ntawv.

Peb cog lus.

Sacramento City Unified School District

Qauv Qhia Ntawv Npaj rau Xyoo 2010 - 14

I. Txoj Ncauj Ke I: Cov Menyuam Kawv Ntawv uas npaj yuav mus kawm ntawv qib siab lossis ua haujlwm

“Kuv xav kom neeg Asmeslikas qee txoj kev kawm txuj yam tsawg kawg yog ib lub rau nws khee rau txoj kev kawm txuj kom siab lossis mus kawm haujlwm. Yam no zoo xws li mus kawm ntawv qib siab 2 xyoos lossis 4 xyoos; kawm txog kev ua haujlwm. Txawm hais tias yam kev kawm dabtsi los xij, txhua tus neeg Asmeslikas yuav muaj kev kawm kom siab dua li tau daim ntawv pov thawj diploma xwb.”

– Tuam Thawj *Barack Obama*

Ua cas qhov no ho tseem ceeb: Thaum peb tabtom nthuav kev txawj ntse, kev ua zoo thiab kom txawj siv tej kev ua zoo ntawd los ntawm kev qhuab qhia, yog kev uas peb pab lawv npaj txoj kev zoo rau lawv taug: xws li tau txoj haujlwm zoo, kawm kev ua haujlwm, mus kawm ntawv qib siab cov tsev kawm ob xyoos lossis plaub xyoos. Peb tsis paub yav pem suab yuav mus zoo lcas; nws yuav tsis zoo yog tias peb tsis pab npaj peb cov menyuam kawm ntawv ntshe lawv yuav tsis muaj ntau txoj kev xaiv. Qhov tseeb tiag: tej kev zoo ntawm ib tug menyuam uas ua rau tsev kawm ntawv qib siab xav txais nws mus kawm lawv lub tsev kawm ntawv – xws li kev txawj xav, daws tau teebmeem, haum xeeb nrog lwm tus thiab txuas lus yooj yim tau zoo – yog tib co kev zoo ntawm ib tug neeg uas ua rau tej chaw haujlwm xav txais nws mus ua haujlwm rau lawv. Peb txoj haujlwm yog qhib lawv cov qhov muag kom paub tias lawv muaj ntau txoj kev taug tom qab lawv kawm ntawv tag qib 12 thiab npaj pab lawv kom lawv txawj mus raws kom cuag lawv txoj kev npau suav ntawd. Txoj haujlwm no pib hnuv ib tug menyuam kawm ntawv tau nkag los mus kawm peb ib lub tsev kawm ntawv txog rau hnuv uas nws kawm tiav.

Dabtsi uas peb saib muaj nqis. Peb yuav ua zaj twg. Peb yuav ua mus zoo lcas.

A. Yuav tsum tswj txhua tus menyuam kawm ntawv rau txoj kev peem kom tau qhov zoo.

Peb yuav qhia txhua tus menyuam rau tej kev kawm ntawv uas muaj soj txog kev ua haujlwm phaum tamsim no, kev ua yeeb yam thiab kom kawm tiav hlo tej kev kawm uas cov tsev kawm ntawv qib siab teev tseg tias kom kawm lawv thiaj txais. Peb lub zeem muag yog kom peb txhua lub tsev kawm ntawv yuav tsum tswj txhua tus menyuam kawm ntawv rau txoj kev peem kom ua tau cov kev zoo no:

1. Tsim kom tau tej kev qhuab qhia ntawv thiab yuav qhia lcas ntawm kev kawm txog hais lus, sau ntawv, leb, tshuaj los mus rau tej hmab tej ntoo thiab kam noj kev haus los mus rau kev sib haum xeeb uas yuav ua tau rau kom cov menyuam muaj siab kawm thiab rau siab kom kawm tau zoo txawm tus menyuam muaj peevxwm los tsis muaj.
2. Yuav muab tej qauv uas tej lub tsev kawm ntawv qhia tau zoo ntawd los mus siv rau lwm lub tsev kawm ntawv kom qhia tau zoo thiab.
3. Cais kom meej meej tias cov menyuam kawm ntawv yuav tsum kawm tau thiab paub npaum lcas ib qib rau ib qib.
4. Saib tseeb kom tej kev kawm hauv tsev kawm ntawv nws yog tej tswv yim uas yuav siv tau los mus ua haujlwm nrhiav noj nrhiav haus.



B. Peb rau siab sib zog heev kom tsuas muaj zoo zuj zus – pub rau peb cov menyuum kawm ntawv thiab cov neeg ua haujlwm rau peb ntawd.

Peb ntseeg tau tias tagrho cov neeg ua haujlwm rau peb thiab cov menyuum kawm ntawv yuav ua txhua yam tau zoo dua yog tias peb tsim kom tau qhov chaw thiab laj lim kev kawm los mus rau kev ua haujlwm ntawd nws tsuas muaj zoo ntxiv zuj zus mus. Peb yuav tsim kev pab txhawb zog rau cov xibfwb kom lawv qhia tau ntau yam ntxiv uas yuav pab tau cov menyuum kawm tau ntawv zoo ntxiv mus. Peb lub homphiaj yog kom peb txhua lub tsev kawm ntawv los mus siv txoj kev soj ntsuam xyuas hu ua School Quality Review no los mus tswj lawv tej kev qhia ntawv kom zoo zuj zus ntxiv mus tas li. Peb yuav ua kom tau raws peb lub homphiaj xws li nram no:

1. Nrhiav kev kawm pab ntxiv rau cov xibfwb thiab thawj xibfwb kom lawv txawj qhia zog thiab qhib cov menyuum tej hlwb kom tawg paj txi txiv los ua zoo xav, ua txhua yam haum xeeb nrog lwm tus, daws tej teebmeem yoojyim, txawj mob siab rau tej yam kev nyuaj, thiab kom nyiam mus kawm ntawv.
2. Tsim kom muaj tus qauv tseg los mus soj ntsuam txhua txhia nqi lus sau tseg hauv daim ntawv soj ntsuam xyuas hu ua School Quality Review.
3. Qhia cov thawj xibfwb thiab cov xibfwb kom txawj siv cov pab pawg saib kev kawm ntawv ruaj ntseg ntawm lawv tej kev soj ntsuam menyuum kev kawm ntawv kom pom tau tias tej menyuum kawv tau ntawv lcas es ho yog vim siv txoj kev qhia ntawv zoo lcas.

C. Peb yuav sib zog heev kom tsis txhob pub muaj leejtwg poob qab kev kawm hlo.

Vim li no, peb yuav teev kom tau kev soj ntsuam xyuas tas mus li seb menyuum kawm ntawv tau lcas rau lcas txhua lub sijhawm. Peb lub homphiaj yog yuav txiav kom tau 20 feem pua txhua txhua xyoo ntawm pawg menyuum uas kawm tsis tau ntawv. Peb yuav cuag kom tau lub homphiaj raws li tej kev yuav ua nram no:

1. Tsim koj muaj txoj kev ntsuas tau kev vam meej loj hlob mus tau zoo ntawm txhua xyoo thiab txhua qib.
2. Tsim thiab qhia cov xibfwb kom txawj xeeb tej menyuum es thiaj paub soj ntsuam tau tias lawv qhia ntawv puas tau zoo.
3. Tsim kom sawv daws muaj kev nkag siab tias ua li ib tug menyuum kev sau tau ntawv zoo yog lcas tiag, ces siv tus qauv ntawd los mus soj xyuas seb txhua tus menyuum puas sau tau zoo npaum li ntawd.

Licas peb thiaj yuav paub meej thaum ua tau mus zoo lawm?

Peb yuav paub tias peb ua tau zoo lawm yog thaum: 100 feem pua lub tsev kawm ntawv tau txais ib qib siab thiab zoo zog los ntawm kev soj ntsuam xyuas; 100 feem pua cov menyuum kawm ntawv tau zoo tshaj li ib xyoo tabsis siv ib xyoo kawm xwb; thiab rub kom tau cov pawg kawm tsis tshua tau ntawv los mus ze zuj zus rau cov pawg uas kawm tau lawm.

II.

Txoj Ncauj Ke II: Niam Txiv thiab Tej Koom Haum Kev Koom Tes

“Peb tsis txhob nrhiav kev vam meej rau peb tus kheej xwb es muab kev loj hlob thiab vam khom ntawm zej zog tso tseg. Peb cov homphiaj lossis lub zeem muag yuav tsum dav txaus tos txhais cov tswvyim thiab kev xav tau los pab lwm tus rau lawv txoj sia thiab rau peb txoj sia.”

– César Chávez

Ua cas qhov no ho tseem ceeb: Leejtwg thiaj muaj zog txawj ntse txaus es tsis xav tau kev pab li lawm?

Txhua pab pawg tsev kawm ntawv yeej ntsib tej kev nyuaj uas yuav tsum tau muaj kev koom tes los ntawm niam txiv thiab tej pab pawg xws li tej koom hoom. Peb pawg tsev kawm ntawv los yeej ib yam – Peb yuav ua tsis tau peb ib leeg kheej. Yuav tsum muaj kev raus tes. Peb yuav tsum hloov peb txoj kev xav tias tsev kawm ntawv thiaj yog qhov chaw ua tau ib leeg kheej xwb hais txog kev qhuab qhia menyuam kawm ntawv. Yuav tsum hloov siab xav tias tsev kawm ntawv yog qhov chaw tam lub hnub ci, muaj kev sib pab qhia thaum caij nyoog tsev kawm ntawv qhib, tom qab kawm ntawv lawb thiab vas xaum vas thiv huvi. Kev qhia cov menyuam yuav tsum yog sawv dawv koom tes: Peb yuav tsum txaus siab sib kawm ib yam li sib qhia. Kev sib koom tes sib pab no yuav tsum sib zog npaum li peb tej kev ntshaw – li tej nyiaj txiag peb muaj, tej khoom peb muaj siv, tej zog peb muaj thiab tej tswv yim peb muaj.

Dabtsi uas peb saib muaj nqis. Peb yuav ua zaj twg. Peb yuav ua mus zoo licas.

A. Tsev neeg yog tus peb ntau nqi nyhav tshaj rau txoj kev sib pab koom tes no.

Peb yuav nrhiav kom tau caij nyoog thiab lub tswv yim zoo uas yuav txhawb tau lub cuab yig tuaj mus koom tes sib pab hais txog tus menyuam kev kawm ntawv. Peb lub homphiaj yog tsim kom muaj kev rau niam txiv xaiv tuaj mus raus tes pab hauv cov chav kawm tom tsev kawm ntawv thiab rau tsev kawm ntawv muaj feem tuaj mus pab niam txiv rau tom vaj tom tsev. Peb yuav cuag kom tau lub homphiaj raws li tej kev yuav ua nram no:

1. Tsim kom muaj cov chav qhuab qhia rau cov niam txiv kawm es lawv thiaj txawj raus tes pab lawv cov menyuam kawm kom tau ntawv.
2. Qhib tsev kawm ntawv kom muaj kev zoo siab hlo txais tos niam txiv es lawv thiaj muaj siab tuaj mus koom tes pab.
3. Tsim kom txoj kev tsev kawm ntawv tuaj mus pab niam txiv tom vaj tom tsev no loj hlob zoo thiab muaj ntau ntxiv.
4. Tswj kom cov pab pawg saib xyuas tsev kawm ntawv ua haujlwm zoo tsis so.
5. Ib lub tsev kawm ntawv yuav tsum muaj ib lub homphiaj – tsim muaj lub zeem muag raws li pab pawg ib thaj tsam ncig lub tsev kawm ntawv – kom txhawb tau cov tsev neeg koom tes nrog rau menyuam kev kawm ntawv tom vaj tom tsev, tom tsev kawm ntawv lossis ib lub tsev kawm ntawv nyob rau pawg ts ev kawm ntawv Sacramento City Unified School District.



B. Peb ntseeg tau tias tsev kawm ntawv zoo yam ib qho chaw sawv daws tuaj mus koom tes sib pab sib qhia thiab kawm.

Peb yuav tswj kom txhua lub tsev kawm ntawv muaj kev qhib dav fo rau niam txiv muaj feem tuaj raus tes pab thiab xav tau kev pab lcas los tau. Peb lub homphiaj yog xav kom peb cov tsev kawm ntawv qhib thiab txais tos niam txiv thiab koom haum pab pawg los mus koom tes sib pab. Peb yuav cuag kom tau lub homphiaj raws li tej kev yuav ua nram no:

1. Qhib kom muaj ib chaw chaw rau niam txiv tuaj mus nyob, kawm, thiab pab tau lawv tus menyuam kev kawm.
2. Tswj kom cov thawj tswj thiab cov xibfwb qhib muaj kev sib pab koom tes nrog niam txiv los mus qhia menyuam kev kawm kom zoo li zoo tau.
3. Kom cov chaw no muaj qhib hmo ntuj, vas xaum vas thiv thiab cov hnuv ua tsev kawm ntawv so lawm.
4. Tsim kom tsev kawm ntawv zoo yam ib qhov chaw sawv daws tuaj mus raus tes koom siab sib pab.

C. Peb ntseeg tau tias kev sib koom siab sib pab no yuav pab tau cov menyuam kawm tau ntawv zoo txawm hauv tsev kawm ntawv los yog tom tsev.

Peb yuav qhib kev sib pab no kom loj zoo zuj zus ntxiv es kom nws muaj kev rau cov menyuam tau nqis tes tau ua kiag lossis kawm txog kev ua haujlwm. Peb lub homphiaj yog ua kom txhua lub tsev kawm ntawv muaj kev sib koom tes rau thaum lub caij ntuj so es tsis kawm ntawv ntawd, thaum tseem kawm ntawv thiab tom qab lawb kawm ntawv pub rau txhub tus menyuam. Peb yuav cuag kom tau lub homphiaj raws li tej kev yuav ua nram no:

1. Nrhiav kom tau kev koom tes los ntawm cov chaw ua haujlwm es kom lawv ho tuaj qhia cov menyuam txog tej haujlwm lawv ua ntawd thiab qhia tias yuav ua cas haujlwm thiaj mus tau zoo.
2. Tsim kom muaj kev koom tes los ntawm tej pab pawg tsev kawm ntawv kom muaj tej tswv yim qhia cov menyuam kom kawm tag los paub ntau yam kev txawj ntse hauv ntiaj teb no huvsu thiab kom niam txiv haj yam muaj txoj hau kev raus tes pab ntxiv mus.

Licas peb thiaj yuav paub meej thaum ua tau mus zoo lawm?

Thaum peb paub tias mus tau zoo lawm yog thaum uas 100 feem pua cov tsev kawm ntawv qhib thiab txais tos niam txiv thiab muaj kev raus tes nrog tej kev lag luam los mus sib pab qhia cov menyuam.



III.

Txoj Ncauj Ke III: Koom Txoos Kev Hloov

“Peb los txog rau qhov uas peb yuav tsum tau qhia peb cov menyuam txog yam uas tsis tau muaj leej twg paub nag hmo, es npaj peb cov tsev kawm ntawv rau yam uas tseem tsis tau muaj leej twg paub hlo li.”

— Margaret Mead

Ua cas qhov no ho tseem ceeb: Pawg tsev kawm ntawv nws zoo yam li ib lub koom txoos muaj tib neeg coob coob. Yog yuav ua tau dej num mus zoo lawm yav tom ntej, yuav tsum yog cov neeg ua haujlwm hauv txawj sib kho, muaj tswv yim nrhiav kev pab, hloov tau yooj yim thiab muaj tswv yim zoo. Lawv yuav tsum saib kev sib pab muaj nuj nqis thiab ua haujlwm tau zoo ua ke tam li ib pab. Peb yuav tsum kho peb txoj kev xaiv, qhia thiab tuav kom ruaj cov neeg ua haujlwm zoo rau peb. Peb yuav tsum tswj kom cov neeg no yog ib co thawj ntawm kev qhua qhia kev kawm ntawv. Peb yuav tsum muaj kev soj ntsuam xyuas txhawm txhij es nrhiav kom tau kev zoo los mus pab lossis hloov kom tau yooj yim mus rau lwm yam kev pab uas zoo dua qhov peb ib txwm ua tas los. Peb yuav tsum muaj cov neeg ua haujlwm rau peb kom nws zoo sib xws thiab pab tau haiv neeg uas nyob ib puag ncig ntawm peb cov tsev kawm ntawv. Hais txog kev ua haujlwm sib raug zoo, hauv paus tsev kawm ntawv thiab cov tsev kawm ntawv yuav tsum sib cog ua haujlwm mus mus los los kom muaj kev sib nkag siab es haujlwm thiaj ua tau zoo. Cov kev ua zoo ntawd yuav tsum muaj kom tsev kawm ntawv huvsis, tsis muaj teebmeeb dabtsi cuam tshuam, txais tos zoo thiab tsis tsim kev kabmob dabtsi. Kev ua tau zoo – yam twg lossis tswv yim twg siv pab tau cov menyuam kawm ntawv zoo lawm – yuav tsum siv rau txhua lub tsev kawm ntawv thiab siv txhawm txhij hais txog kev qhia ntawv.

Dabtsi uas peb saib muaj nqis. Peb yuav ua zaj twg. Peb yuav ua mus zoo licas.

A. Peb saib ntsoov sib zog ntshuav rau txoj kev ua kom txhua yam mus tau zoo. We will create a “no-excuses” culture that is focused on results and continuous improvement. Our goal is to create and expand examples of proven successes both at the school site and central office. In order to meet this goal, we will:

1. Siv peb cov tsev kawm ntawv uas twb qhia tau zoo ntawd lawm los ua lub zeem muag mus txhim kho kom kev kawm tau ntawv ntawm cov menyuam zoo ntiv zuj zus mus.
2. Muab tsev kawm ntawv kev xav hloov ua kom zoo ntiv mus, kev soj xyuas seb ho ua zoo mus licas lawm thiab tswv yim yuav los mus kho kom ua ib nqag.
3. Tsim kom muaj ib txoj hau kev meej tseeb los mus kho.
4. Tsim kom muaj tswv yim soj ntsuam saib xyuas seb kev kho mus zoo licas rau licas.
5. Tswj kom txhua lub tsev kawm ntawv qhia ntawv nrog rau kev pab thiab kev soj xyuas txawm txhij mus kom raws yam nkaus li lub tsev kawm ntawv ntawd nws kev yuav tsum ua mus zoo licas thiaj zoo.



B. Cov neeg ua haujlwm rau peb uas nyias muaj nyias tswv yim zoo yog peb lub zog.

Peb yuav nrhiav, qhia, tuav kom ruaj thiab pab kom tau ib pab pawg neeg ua haujlwm uas rau siab, muaj peev xwm thiab nyias muaj nyias tswv yim zoo. Peb lub homphiaj yog kom txhua tus neeg ua haujlwm zoo zui zus ntxiv mus ib xyos dhau ib xyos thiab kom 100 feem pua cov neeg ua haujlwm no muaj lub zeem muag xav mus ua lwm txoj haum lwm loj tshaj nws txoj tamsim no. Peb yuav cuag kom tau lub homphiaj raws li tej kev yuav ua nram no:

1. Tsim siv ib lub tswv yim los mus ntsuas txhua tus neeg ua haujlwm seb lawv ua lawv txoj haujlwm mus tau zoo lcas thiaj rau nqi npaum cas.
2. Tsim kom muaj lub tswv yim zoo – xws li ib pab pawg neeg nrhiav neeg ua haujlwm tshiab, ib Qho Tswv Yim Kev Sib Raug Zoo Ntawm Cov Thawj Xibfwb thiab ib Lub Koom Txoos Ntawm Cov Pab Pawg Xibfwb – es thiaj txais tau, qhia thiab tuav cov neeg ua haujlwm uas nyias muaj nyias tswv yim zoo ntawd kom ruaj.
3. Tsim kom muaj qauv tseg kev txais tos cov neeg nkag los ua haujlwm tshiab thiab qhia kom lawv paub txog seb yuav ua haujlwm lcas rau lcas thiaj raug xaiv nce mus ua lwm txoj haujlwm zoo dua thiab loj dua tuaj.



C. Peb muab cov menyuam kawm ntawv saib muaj nuj nqis tshaj.

Peb ntseeg tau tias lub ntsiab ntawm peb lub koom txoos pawg tsev qhia ntawv no yog kev qhia thiab kev kawm. Peb yuav tswj txhua pab pawg, ib pab thiab txhua tus nyob hauv peb lub koom txoos no txhawb txoj kev qhia thiab kev kawm. Peb lub homphiaj yog kom 100 feem pua peb cov tsev kawm ntawv zoo siab rau hauv paus tsev kawm ntawv kev txhawb haujlwm thiab 100 feem pua peb cov tsev kawm ntawv qhia meej tias hauv paus tsev kawm ntawv tau siv zog pab txhawb kev txhim kho zoo hais txog kev qhia thiab kev kawm ntawv tom lawv lub tsev kawm ntawv. Peb yuav cuag kom tau lub homphiaj raws li tej kev yuav ua nram no:

1. Xaiv tej kev ua ntawd kom zoo tshaj rau peb cov menyuam.
2. Tswj kom tsev kawm ntawv, ntawm ntug kev mus rau lub chav qhia ntawv kiag, puav leej yog pab rau tus menyuam txoj kev kawm ntawv xwb.
3. Hloov mus los kom hauv paus tsev kawm ntawv muaj feem nrog saib xyuas kev ua haujlwm ntawm kev koom tes, kev saib sawv daws tej haujlwm es ua kom muaj nuj nqis, thiab txhawb kom zoo zog ntxiv txog kev qhia ntawv thiab menyuam kev kawm ntawv.

Licas peb thiaj yuav paub meej thaum ua tau mus zoo lawm?

Thaum peb paub tias mus tau zoo lawm yog thaum uas 100 feem pua peb cov tsev kawm ntawv tawm ncauj lus hais tias hauv paus tsev kawm ntawv tej haujlwm kev pab txhawb mus tau zoo lawm.

Cov Lus Txhais Qhia Txog Lub Ntsiab

Kawm Txuj Txog Kev Sau Ntawv: Kawm txuj txog kev sau ntawv yog txoj kev xav – yog theem ntawm lub tswv yim nthuav tawm tuaj – nthuav tawm kom nkag siab zoo. Lub ntsiab ntawm kev kawm txuj txog kev sau ntawv yog nthuav tawm qhia kom nkag siab txog lub ntsiab lus. Kev xeem ntawv xws li ntaub ntawv tshawb fawb, sau ntawv, tham lus thiab xeem txog cov lus teb ntev ntev-thiab-luv luv yog nug txog menyuum kev kawm ntawv thiab kev sau ntawv.

Kev Nrog Tsom Kwm: Kev xav tau los ntawm neeg zej neeg zos (thawj coj lub zej zog, cov neeg ua lag luam thiab cov neeg them se) hais tias cov nyiaj txiag siv los mus pab rau tsev kawm ntawv yeej khiav ua tau rau kev kawm ntawv mus zoo.

Kaw kom tau txoj kev kawm poob qab: *Nws yog qhov txawv ntawm txoj kev kawm txuj tau thiab tsis tau ntawm pab pawg menyuum kawm ntawv uas muaj peev xwm thiab pob nyiaj txiag ntawm tsev neeg. Qhov kev kaw kom tau txoj kev kawm poob qab no yog los ntsuam xyuas ntau yam xws li cov qhabnias hauv kev xeem ntawv, tus qhabnias menyuum tau thiab ntawm kev tawm tso tseg tsis kawm ntawv.*

Hom kev xeem heev tshaj: Ib hom kev xeem uas siv los ntawm txhua tus xibfwb ntawm qib kawm ntawd lossis qhov kev qhia ntawv rau tus menyuum kawm. Qhov kev xeem no muaj nyob rau ntau yam: xeem, sau ntawv, tham lus, koom tes ua ntaub ntawv ua ke, thiab ntau ntau ntxiv.

Kev txawj ntse tseem ceeb: Qhia txog kev txawj ntse tseem ceeb yog hais txog kev qhia thiab tus txheej txheem qhia ntawv uas yog lub zog ua rau tub ntxhais muaj kev kawm txawj kawm ntse, kev sib haum xeeb, txawj xav thiab sib kom tswv yim los ntawm kev txawj ntse los sib txuas ua ke nrog tub ntxhais kawm ntawv thiab qhia txog lub laj lim tswv yim, kev txawj thiab cwj pwm coj.

Txheej txheem qhia ntawv: Ib chav ntawm kev qhia ntawv uas muab coj los qhia los ntawm lub tsev kawm ntawv, chav kawm lossis tus xibfwb qhia ntawv.

Daim ntawv tseem ceeb qhia txog kev kawm: Ntawm daim ntawv tseem ceeb qhia txog kev kawm (data dashboard) no yog ib qho kev qhia, saib, ntsuam xyuas txog tus menyuum txoj kev kawm tau ntawv. Qhov tseem ntsiab ntawm txoj kev soj ntsuam menyuum kev kawm tau ntawv thiab ntsig txog ntawm theem kev kawm tau los ua qauv rau qhov chaw tiag taw muab kev txiav txim siab thiab muab zwm ua duab los “ntsuas” zoo xws li tus yam ntxwv ntawm cov koob qhia kev ntawm koj lub kauj tsheb.

Pawg soj ntsuam ntaub ntawv: Cov neeg ua haujlwm hauv tsev kawm ntawv rub ntaub ntawv txog kev soj ntsuam ntawm ntau lub koom haum los ntsuam xyuas txog txoj kev kawm thiab kev sib tw. Cov tsev kawm ntawv mam li tsim thiab npaj kev qhia los daws cov kev sib tw no.

Ntsuam xyuas tagnrho: Yog ntsuam xyuas menyuum txoj kev kawm ntawv, qhov kev soj ntsuam no yog ib qho soj ntsuam tagnrho ntawm tus menyuum txoj kev kawm ntawv yuav tsis yog ntsuam xyuas nws cov qhabnias xwb. Nws muab tau kev txiav txim ntau tshaj li qhov hais thiab qhov kev kawm tau los soj ntsuam ntawm txoj kev kawm ntawv.

Niamtxiv/Xibfwb Kev Sib Ntsib Tom Tsev: Yog ib lub koom haum uas qhia niamtxiv thiab zej zog txog kev koom tes ntseeg xibfwb thiab koog tsev kawm ntawv cov neeg ua dejnum txoj kev tuaj mus saib menyuum tom tsev.

Tsev kawm ntawv ua ntej tshaj: Xaiv cov tsev kawm ntawv hauv txhua koog tsev kawm ntawv uas kawm tau txog ntawm 20 feem pua uas poob qab deb nyob rau hauv lub xeev California thiab nrhiav hau kev los pab cov neeg ua haujlwm, nrhiav nyiaj txiag thiab nrhiav kev qhia ntawv thiab kawm ntawv.

Kev kawm txhawb siab: Kev cob qhia ntxiv rau koog tsev kawm ntawv cov neeg ua haujlwm kom lawv muaj lub laj tswv yim txawj khiav haujlwm los pab menyuum kawm ntawv thiab ho tau txais haujlwm siab zog ntxiv mus.

Nyuaj: Cov chav nyuaj yog cov kev sib tw rau txhua tus menyuum kawm ntawv, npaj txhua tus menyuum kawm ntawv rau qib siab thiab kev ua laj ua kam ntawm tus kheej txoj kev kawm, thiab rub txhua tus txoj kev peev xwm kom kawg nkaus.

Tsev Kawm Ntawv Tus Qauv Npaj rau Kev Txhim Kho: Yog ib tug qauv sau tseg txog tsev kawm ntawv txoj kev txhim kho rau lub tsev kawm ntawv thiab nrog rau lub niam tswv yim txhim menyuum kev kom kawm txog lub homphiaj, kev qhia txog yuav ua lcas thiab thaum twg li yuav siv tseem fwm txheej siab thiab lub xeeb pob nyiaj los nrog txhim kho.

Kev Soj Ntsuam Txog Tsev Kawm Ntawv Zoo (School Quality Review): Kev Soj Ntsuam Txog Tsev Kawm Ntawv Zoo yog ib theem uas tsim los tshawb xyuas txog kev kawm ntaub kawm ntawv zoo nyob rau hauv tsev kawm ntawv. Nws pab tsev kawm ntawv rhawv kom pom qhov zoo, qhov chaw uas yuav tau txhim kho, kev sib tw thiab kev vam meej.

Pawg Neeg Tawm Tswv Yim hauv Lub Tsev Kawm Ntawv: Pawg neeg no yog ib pawg neeg nyog hauv lub zej lub zos sawv cev tuaj khiav haujlwm xyaw cov neeg ua haujlwm hauv tsev kawm ntawv, nws muaj xws li niamtxiv, neeg zej neeg zos, cov khiav dejnum hauv tsev kawm ntawv, cov thawj coj, thiab menyuum kawm ntawv.

Txhua txhia yam kev kawm: Txhua txhia yam kev kawm ntawv yog ib yam txawv, sib luag thiab tsim kev kawm txaus rau menyuum kawm ntawv los kawm rau sab kev ua yeeb yam thiab kev kos duab thiab lwm yam kev txhim kho ntawm txoj kev kawm kom tau zoo.

Saib Menyuum Kawm Ntawv Kom Muaj Nuj Nqis Tshaj
SCUSD Cov Ncauj Ke Npaj rau Kev Kawm 2010-14

Peb (3) Txoj Ncauj Ke

Txoj Ncauj Ke I: Cov Menyuum Kawm Ntawv uas npaj yuav mus kawm ntawv qib siab lossis ua haujlwm

A. Qhia txhua tus menyuum rau tej kev kawm ntawv uas muaj soj txog kev ua haujlwm phaum tamsim no, kev ua yeeb yam thiab kom kawm tiav hlo tej kev kawm uas cov tsev kawm ntawv qib siab teev tseg tias kom kawm lawv thiaj txais.

B. Ntseeg tau tias tagrho cov neeg ua haujlwm rau peb thiab cov menyuum kawm ntawv yuav ua txhua yam tau zoo dua yog tias peb tsim kom tau qhov chaw thiab laj lim kev kawm los mus rau kev ua haujlwm ntawd nws tsuas muaj zoo ntxiv zuj zus mus.

C. Yuav teev kom tau kev soj ntsuam xyuas tas mus li seb menyuum kawm ntawv tau lidas rau lidas txhua lub sijhawm.

Txoj Ncauj Ke II: Niamtxiv thiab Tej Koom Haum Kev Koom Tes

A. Nrhiav kom tau caij nyoog thiab lub tswv yim zoo uas yuav txhawb tau lub cuab yig tuaj mus koom tes sib pab hais txog tus menyuum kev kawm ntawv.

B. Tswj kom txhua lub tsev kawm ntawv muaj kev qhib dav fo rau niam txiv muaj feem tuaj raus tes pab thiab xav tau kev pab lidas los tau.

C. Qhib kev sib pab no kom loj zoo zuj zus ntxiv es kom nws muaj kev rau cov menyuum tau nqis tes tau ua klag lossis kawm txog kev ua haujlwm.

Txoj Ncauj Ke III: Koom Txoos Kev Hloov

A. Tsim kom "txhob muaj kev tib" dabtsi hlo hais txog ntawm nrhiav kev zoo ua ntxiv zuj zus mus.

B. Nrhiav, qhia, tuav kom ruaj thiab pab kom tau ib pab pawg neeg ua haujlwm uas rau siab, muaj peev xwm thiab nyias muaj nyias tswv yim zoo.

C. Tswj txhua pab pawg, ib pab thiab txhua tus nyob hauv peb lub koom txoos no txhawb txoj kev qhia thiab kev kawm.





www.scusd.edu

**5735 - 47th Avenue
Sacramento, CA 95824**

(916) 643-7400